

ԱՄԵՆԱՊԱՏԻՎ Տ. ԳԱՐԵԳԻՆ ՊԱՏՐԻԱՐԺ ԽԱՉԱՏՈՒՐՅԱՆԻ ԾՆՆԴՅԱՆ ՈՒԹՄՈՒՆԱՄՅԱԿԻՆ ՆՎԻՐՎԱԾ ՀԱՆԴԻՍՈՒԹՅՈՒՆ ՕՈՒՐԲ ԷԶՄԻԱԾՆԻ ՀՈԳԵՎՈՐ ԶԵՄԱՐԱՆՈՒՄ

Նոյեմբերի 24-ին, հինգշաբթի, Հոգևոր Ճեմարանի հանդիսությանց դահլիճում, վեհափառ Հայրապետի նախագահությամբ, նշվեց Կոստանդնուպոլսի պատրիարք ամենապատիվ Տ. Գարեգին արքեպիսկոպոս խաչատուրյանի ծննդյան 80-ամյակը և ուսուցչական, գրական, հովվական գործունեության 60-ամյակը:

Հանդեսի բացումը կատարեց Հոգևոր Ճեմարանի վերատեսուչ գերաշնորհ Տ. Հայկազուն եպիսկոպոս Աբրահամյանը, ծանրանալով ծերունապարզ հոբելյար պատրիարքի եկեղեցական բեղուն գործունեության վրա, Արմաշից մինչև Ս. Խաչ:

Հոգևոր Ճեմարանի ավագ վերակացու արժանապատիվ Տ. Հովհաննես քահանա Մարուքյանը հանգամանորեն ներկայացրեց Գարեգին պատրիարքի ուսանելի կյանքը և նրա գրական, ուսուցչական և հովվական գործունեությունը:

Հանդիսության ընթացքում արտասանվեցին հոբելյար սրբազանի գրչին պատկանող հատվածներ Նարեկի աշխարհաբար թարգմանությունից, «Տարոնաշունչ»-ից և «Հաշտիշատ» բանաստեղծությունը: Հոգևոր Ճեմարանի երգչախումբը հանդեսին իր մասնակցությունը բերավ մի շարք երգերի և շարականների կատարմամբ:

Հանդեսի վերջում վեհափառ Հայրապետը ջերմորեն խոսեց Գարեգին պատրիարքի բարոյական, իմացական մնացույթ և ուսանելի արժանիքների մասին և հայրապետական իր օրհնությունը տալով, հորդորեց սրբազանին մտատիպար ունենալ որպես ազնիվ եկեղեցականի, մտքի և գրչի մարդու և ժողովրդի ծառայության նվիրված հոգևորականի:

Գարեգին պատրիարքի ծննդյան 80-ամյակին նվիրված հանդես-երեկույթը վերջա-



ցավ վեհափառ Հայրապետի պահպանիչով և խմբովին երգված «Հայր մեր»-ով:

Ճեմարանի վերատեսուչ Տ. Հայկազուն սրբազանը, Ճեմարանի վերատեսուչյան, ուսուցչական կազմի և ուսանողության անունից հոբելյար պատրիարք սրբազան հոր ուղեց հետևյալ շնորհավորական հեռագիրը:

«Այսօր, 24 նոյեմբերին, վեհափառ Հայրապետի նախագահությամբ, Ս. Էջմիածնի միաբանությունը, ուսուցչական կազմը, պաշտոնեությունը և Հոգևոր Ճեմարանի ուսանողությունը պատշաճ հանդեսով մը նշեցին Ձերդ Ամենապատվության ծննդյան 80-ամյակը, Ճեմարանի հարկի տակ:

Ջերմապես կմաղթենք Ձեզ երկար կյանք, ի բարգավաճումն և ի միասնություն Հայաստանյայց եկեղեցվոք: